

გლობალური გამოწვევები და სოციალური პროგრესი

განვითარება და კეთილდღეობა

ნინო ჩიკვილაძე

განვითარება სოციალურად ერთ-ერთი უმნიშვნელოვანესი, როგორც შინაარსის და მრავალწახნაგოვანი პროცესია, რომელიც ცხოვრების ყველა სფეროს შეეხება. უმთავრეს პროცესად კი მიჩნეულია ეკონომიკური განვითარება. ამასთან იგი დამოკიდებულია ცხოვრების სხვა სფეროებზე და ასევე განაპირობებს მათ პროგრესულ ცვლილებებს.

განვითარებას სხვადასხვა პარამეტრებით ახასიათებენ და აფასებენ. კერძოდ, გამოიყენება განვითარების პროცესის ფაქტორების (წყაროების), პროცესის მიმდინარეობისა და შედეგების ინდიკატორები. ბოლო პერიოდში (გასული საუკუნის 90—იანი წლებიდან) გაეროს ეგიდით შემუშავებულია ქვეყნების განვითარების ინდიკატორთა მთელი სისტემა, რომელთა მიხედვით სხვადასხვა კუთხით რეგულარულად ფასდება მსოფლიოს ქვეყნების განვითარება. ეს ინდიკატორები ასახავს როგორც ეკონომიკური, ისე სოციალური ცხოვრების ძირითად მხარეებს (მოვლენებს). განსაკუთრებით მნიშვნელოვანია კომპლექსური (კრებითი) ინდიკატორი — ადამიანის პოტენციალის განვითარების ინდექსი (აპი). იგი შემუშავებულია პაკისტანელი სწავლულის მაჰბუბ-ულ-ჰაკის — გაეროს „ადამიანის განვითარების შესახებ მოხსენების“ პირველი გამოცემის მთავარი ავტორისა და ამარტი სენის ნაშრომების საფუძველზე.

აპი იანგარიშება ადამიანთა სიცოცხლის საშუალო ხანგრძლივობის და ჯანმრთელობის, ცოდნისა და ცხოვრების ღირსეული დონის ინდიკატორთა საფუძველზე.

სიცოცხლის საშუალო ხანგრძლივობას განსაზღვრავს ადამიანთა დაბადებისას სიცოცხლის მოსალოდნელი ხანგრძლივობის წლების რაოდენობით, ცოდნის დონეს — სწავლის საშუალო ხანგრძლივობის და სწავლის მოსალოდნელი ხანგრძლივობის მაჩვენებლით, ცხოვრების ღირსეულ დონეს — მთლიანი შიდა პროდუქტის (მშპ) სიდიდის მაჩვენებლით ერთ მცხოვრებელზე მსყიდველობითი უნარის პარიტეტის მიხედვით აშშ დოლარებში. ბოლო პერიოდში შემოღებულია აპი-ს განსაზღვრა უთანასწორობის კორექტირებული სიდიდის, ანუ

სიკეთეთა განაწილების სამართლიანობის მონაცემების გათვალისწინებით.

ბოლოს განისაზღვრება აპი, როგორც აღნიშნული ინდექსების საშუალო სიდიდე. ამ ინდექსის სიდიდის დონით შესაძლებელი ხდება დავახასიათოთ ქვეყნის განვითარების დონე. მისი დანამიკის ტენდენცია წლების მიხედვით ახასიათებს პროგრესს ან რეგრესს.

ასევე მნიშვნელოვან სიახლედ ითვლება გენდერული უთანასწორობის გათვალისწინება, რამდენადაც ქალთა და მამაკაცთა უფლებების თანასწორობა კაცობრიობის ცივილიზებული განვითარების საყურადღებო მომენტია. კერძოდ, აპი-ში ჩაირთვება ქალთა პროდუქტული ჯანმრთელობისა და ქალთა ეკონომიკური აქტივობის ინდექსები, მამაკაცთა უფლებების და შესაძლებლობათა განვითარების ინდექსთან და მამაკაცთა ეკონომიკური აქტივობის ინდექსთან მიმართებით.

ქვეყნების განვითარების შეფასებისათვის ყურადღება მახვილდება აგრეთვე სიღარიბის მრავალგანზომილებიანი ინდექსის განსაზღვრაზე. ის ითვალისწინებს შემდეგ ძირითად პარამეტრებს: ადამიანთა ჯანმრთელობა, კვება, ბავშვთა სიკვდილიანობა, ცოდნა (სწავლების ხანგრძლივობა და ბავშვთა სწავლებაში ჩაბმა), ცხოვრების დონე (საკვებით, სითბოთი, წყლით უზრუნველყოფა, ელექტროენერგიით მომარგება და სხვა.), რის საფუძველზე გამოითვლება სიღარიბის კოეფიციენტი.

ქვეყნის განვითარების აღნიშნული მაჩვენებლები გაეროს მიერ 1990 წლიდან ქვეყნდება სპეციალურ ყოველწლიურ გამოცემაში „მოხსენება ადამიანის განვითარების შესახებ“. აღნიშნულ გამოცემაში მონაცემები დამუშავებულია მაღალი მეცნიერული პასუხისმგებლობით და მთლიანობაში საკმაოდ სრულ წარმოდგენას იძლევა ქვეყნების განვითარებაზე და ხალხთა კეთილდღეობაზე მსოფლიოში. ამასთან იგი მისაწვდომი და გასაგებია სპეციალისტებისა და სხვა დაინტერესებული პირებისთვის. ამიტომ ჩვენ მსჯელობისა და ცალკეული საკითხების განხილვისას აქ ამ გამოცემის მონაცემებს გამოვიყენებთ.

გარდა აღნიშნულისა, გაეროს მოხსენება და მსოფლიო ბანკის გამოცემები გვაწვდის განვითარების და კეთილდღეობის რიგ სხვა კონკრეტულ მაჩვენებლებს, რომლებიც ფართო წარმოდგენას იძლევა ქვეყნების ეკონომიკურ და სოციალურ განვითარებაზე. მეცნიერულ ლიტერატურაში ასევე გამოიყენება საზოგადოების განვითარების რიგი სხვა მაჩვენებლები.¹

განვითარება ერთ-ერთი უმნიშვნელოვანესი პროცესია საზოგადოების ცხოვრებაში, მაგრამ იგი არაა თვითმიზანი, არამედ ემსახურება ადამიანთა კეთილდღეობას, რაშიც გამოიხატება მისი აზრი და დანიშნულება.

კეთილდღეობა სოციალური მეცნიერებებისა და ეკონომიკური თეორიის ერთ-ერთი ძირითადი კატეგორიაა. განასხვავებენ საერთო კეთილდღეობას, ეკონომიკური კეთილდღეობას და სხვ. ეკონომიკური კეთილდღეობის თეორიას საფუძველი ჩაეყარა ეკონომიკურ მეცნიერების კლასიკოსთა - ა.სმიტის, კ.მარქსისა და სხვათა შრომებში. იგი ჩამოყალიბდა ისეთ მეცნიერთა განსაკუთრებული ძალისხმევით, როგორებიცაა: ა.პიგუ, კ.ეროუ, მ.ლიტლი, ვ. პარეტო და სხვ..

ა. პიგუს მიხედვით, ეკონომიკური კეთილდღეობა - ესაა საერთო კეთილდღეობის ნაწილი, რომელიც შეიძლება გამოვხატოთ ფულადი ფორმით². მ.ლიტლი თვლის, რომ კეთილდღეობა ეთიკური შეფასებითი ცნებაა, რომელშიც აისახება ინდივიდთა მოსახრება იმაზე, თუ რამდენად წარმოდგენს ცხოვრების პირობები მათთვის სიკეთეს და რამდენად იწვევს ეს პირობები ადამიანთა კმაყოფილებას.

ჩვენი მხრივ, შეიძლება ვთქვათ, რომ ადამიანთა საზოგადოების კეთილდღეობა გულისხმობს ცხოვრების ისეთ დონეს, როცა ადამიანები უზრუნველყოფილნი არიან საარსებო და განვითარებისთვის, ჯანსაღ მოთხოვნილებათა დაკმაყოფილებისთვის აუცილებელი მატერიალური და არამატერიალური პირობებით, ე.ი. არ არსებობს სიკეთეთა უკმარისობით გამოწვეული არასასიამოვნო განცდა.

¹ პროფესორი გიორგი მალაშხია თვლის, რომ გაეროს მიერ შემოთავაზებული და სხვა არსებული ინდიკატორები სრულყოფილად მაინც ვერ ასახავს ქვეყნების განვითარების შინაარს, განსაკუთრებით მის სოციალურ ასპექტებს, საზოგადოებრივ (ეკონომიკურ და სოციალურ) ურთიერთობებს, სამართლიანობის, თავისუფლების, უსაფრთხოების დონესა და სხვ., რაც მეტად მნიშვნელოვანია. გიორგი მალაშხია, საჭიროდ თვლის ამ ასპექტების გათვალისწინებას და შემოაქვს განვითარების ხარისხის ცნება და მაჩვენებლები, რაც ცლკე მსჯელობის საგანია. იხ. გ.მალაშხია განვითარების ფილოსოფიის ზოგიერთი სოციალურ-ეკონომიკური ასპექტები. ჟურნ. "სოციალური ეკონომიკა" № 3 2010.

² А. Пигу. Теория благосостояния. Перевод с англ. М., 1985

განვითარება და კეთილდღეობა მჭიდროდ ურთიერთკავშირშია, რაც გამოიხატება მათი ურთიერთხეობიერებით. არა მარტო განვითარება განაპირობებს კეთილდღეობას, არამედ კეთილდღეობა უკუგავლენას ახდენს განვითარებაზე, მისთვის აუცილებელ პირობებს ქმნის. განვითარებით იქმნება ადამიანებისთვის აუცილებელი დოვლათი მზარდი რაოდენობით და უფრო მაღალი ხარისხით, მათი გონივრული მოთხოვნილებების დაკმაყოფილების, სულ უფრო შინაარსიანი და სრულყოფილი ცხოვრების საშუალებები. ამასთან კეთილდღეობა ხელს უწყობს ადამიანის განვითარებას, მეცნიერების პროგრესს, რაც ეკონომიკური პროგრესის ძირითადი საფუძველია.

კაცობრიობამ განვითარებისა და კეთილდღეობის ამაღლების დიდი გზა გამოიარა. ეს ნათლად აისახება გაეროს მიერ გამოქვეყნებულ აპგ-ის მონაცემებში. მსოფლიო ქვეყნების განვითარება ერთნაირად როდი მიმდინარეობს. ამიტომ გაეროს მიერ ქვეყნები, აპგ-ის მიხედვით, დაყოფილია ოთხ ძირითად ჯგუფად: 1. აპგ -ს ძალიან მაღალი დონის მქონე, ე.ი. ძალიან განვითარებული ქვეყნები, 2. აპგ-ის მიხედვით მაღალი განვითარების ქვეყნები, 3. საშუალო განვითარების ქვეყნები, 4. დაბალი განვითარების ქვეყნები.

საერთო წარმოდგენისთვის ჩვენ დინამიკაში ავიღეთ თითოეული ჯგუფის ოთხ-ოთხი ქვეყნის, კერძოდ, ჯგუფში ერთი ყველაზე მაღალი დონის, ორი საშუალოდ და ერთი ბოლო ადგილზე მყოფი ქვეყნის მონაცემები (ცხრილი 1). აქვეა უთანასწორობის მიხედვით კორექტირებული აპგ-ის და ეროვნული შემოსავლის (შშპ) მაჩვენებელი ერთ მეცხოვრებზე გაანგარიშებით პარიტეტული კურსის მიხედვით.

ცხრილი 1-ის მონაცემებიდან ნათლად ჩანს მსოფლიოს ქვეყნების მეკეთრი განსხვავება განვითარების დონით, რაც დაკავშირებულია შესაბამისი ქვეყნების ისტორიულ, ბუნებრივ, ეროვნულ განსხვავებებზე, განვითარების პირობათა თავისებურებებზე, რომელთა სრული და ღრმა ახსნა მეცნიერებაში ჯერ კიდევ არ არსებობს. უდავო კი ისაა, რომ ქვეყნების განვითარების ასე მეკეთრად განსხვავებული დონე კაცობრიობის ცხოვრების მეტად არასასურველი მოვლენაა. იგი დიდ წინააღმდეგობასა და პრობლემებს შეიცავს. მისი დაძლევისათვის ზრუნვა ჩვენი დროის ერთ-ერთი მწვავე გამოწვევაა.

ეს იმასთანაა დაკავშირებული, რომ ადამიანთა კეთილდღეობის დონით, მსოფლიოს ქვეყნები ყოველგვარ ზომასზე მეტად ერთმანეთს დაცილებული, კერძოდ, კეთილდღეობის დონე ქვეყნების ერთ ნაწილში ძალიან მაღალია, მეორე ნაწილში - მაღალი, მესამეში - საშუალო და მეოთხეში - მეტად დაბალი. ეს ნიშნავს, რომ მსოფლიოში ადამი-

ადამიანთა პოტენცილის განვითარების ინდექსის (აპგი) ტენდენციები

ქვეყნები	1980	1990	1995	2005	2010	კორექტირებული*აპგი 2010 წელს	ერთი მცხოვრებზე 2010 წ. ა.შ.შ დოლ.
აპგი-ს ძალიან მაღალი დონით							
ნორვეგია	0,788	0,838	0,906	0,932	0,938	0,876	58810
ა.შ.შ	0,810	0,857	0,873	0,895	0,902	0,799	47094
დანია	0,770	0,797	0,821	0,860	0,866	0,810	36404
პორტუგალია	0,625	0,694	0,745	0,775	0,795	0,700	22105
აპგი-ს მაღალი დონით							
ლიტვა	-	0,709	0,677	0,775	0,873	0,603	14824
ჩილე	0,607	0,675	0,707	0,762	0,783	0,634	13561
რუსეთი	-	0,692	0,644	0,693	0,719	0,636	15252
თურქეთი	0,467	0,552	0,583	0,656	0,679	0,518	13359
აპგი-ს საშუალო დონით							
ტაჯიკეთი	-	-	-	0,642	0,669	0,493	7052
ჩინეთი	0,368	0,460	0,518	0,616	0,663	0,511	7258
მოლდოვა	-	0,616	0,547	0,606	0,673	0,539	4508
კონგო	0,462	0,499	0,469	0,470	0,489	0,334	3258
აპგი-ს დაბალი დონით							
კენია	0,404	0,437	0,435	0,443	0,470	0,320	1628
ბანგლადეში	0,259	0,313	0,350	0,432	0,469	0,331	1587
რუანდა	0,243	0,215	0,193	0,334	0,385	0,243	1190
ზიმბაბვე	0,241	0,284	0,462	0,159	0,140	0,098	176

წყარო: შედგენილია გაეროს გამოცემის „მოხსენება ადამიანის განვითარების შესახებ. 2010.“ მონაცემების მიხედვით. გვ 148-154.

* ინდექსი კორექტირებულია დოლარით განსწილვის უთანასწორობის გათვალისწინებით.

ანთა უდიდესი ნაწილი, ჯერ კიდევ მოკლებულია ცხოვრების ნორმალურ პირობებს. განიცდის დიდ სირთულეებს, დაუკმაყოფილებლობას, ტანჯვას.

ამ აზრის საილუსტრაციოდ პირველ რიგში აქ შეიძლება მოვიტანოთ პირადი ცხოვრებით დაკმაყოფილების მონაცემები ქვეყნების ზემოთ განხილული ჯგუფების მიხედვით, რომლებიც აღებულია გაეროს მიერ გამოცემული მოხსენებებიდან (ცხრილი 2). დაკმაყოფილების მაჩვენებლები შეფასებულია სრული დაკმაყოფილების მიმართ, რომელიც შეადგენს 100 ერთეულს).

ცხრილის მონაცემები ასახავს ადამიანთა სუბექტურ აზრს (განცდას) ცხოვრების პირობებით დაკმაყოფილების მხრივ. უნდა აღინიშნოს, რომ სუბიექტური შეფასების მონაცემები საკმარისი სიზუსტით არ გამოხატავს კეთილდღეობის არსებულ მდგომარეობას. ეს იქიდანაც ჩანს, რომ დაკმაყოფილების განცდა რიგ ქვეყნებში გაცილებით მაღალია, ვიდრე მათი განვითარების დონის შესაბამისი მაჩვენებლები. ამასთან ცხრილის მონაცემები მაინც საინტერესოა და მიანიშნებს ქვეყნების მკვეთრ განსხვავებაზე კეთილდღეობის დონის მხრივ. როგორც

გლობალური გამოწვევები და სოციალური პროგრესი

ცხრილი 2

პირადი ცხოვრებით დაკმაყოფილების მაჩვენებლები მსოფლიოს ქვეყნებში

აპგი მაღალი დონით				
ლიტვა	78	64	33	58
ჩილი	81	73	68	63
რუსეთი	74	56	36	59
თურქეთი	71	76	31	55
აპგი საშუალო დონით				
ტაჯიკეთი	78	75	62	72
ჩინეთი	78	80	60	64
მოლდოვა	68	60	35	...
კონგო	60	74	40	...
აპგი დაბალი დონით				
კენია	57	70	25	66
ანგოლა	72	67	54	42
უგანდა	41	64	17	41
ზიმბაბუე	49	72	27	28
სხვა ქვეყნები				
კუბა	68	76	...	...
ერაყი	64	66	41	50
სომალი	...	87	73	...

წყარო: გაეროს მოხსენება ადამიანის განვითარების შესახებ. 2011. გვ 176-179 (რუს. ენაზე).

ცხრილის მონაცემები ცხადყოფს, საკმაოდ დიდია განსხვავება კეთილდღეობის (დაკმაყოფილების) მაჩვენებლებში განვითარებულსა და საშუალოდ განვითარებულ ქვეყნებს შორის. მრავალჯერადაა განსხვავება დაბალ განვითარებულსა და განვითარებად ქვეყნებს შორის.

ამასთან საგულისხმოა, რომ სრული კმაყოფილების დონე არც ერთი ჯგუფის ქვეყნებში არ შეინიშნება, ანუ ყველგან რჩება გარკვეული ზომით დაუკმაყოფილებლობა.

ეს მონაცემები, მიუხედავად მათი გარკვეული, ზემოთ აღნიშნული ხარვეზებისა, მაინც სასარგებლოა მსოფლიოში კეთილდღეობის ანალიზისათვის. ამასთან ამ პრობლემის განხილვა შემდგომ უნდა გაგრძელდეს სხვა მაჩვენებელთა მიხედვითაც.

კერძოდ, აქ შეიძლება განვიხილოთ კეთილდღეობის საწინააღმდეგო მოვლენა-სიღარიბე. იგი შემაშფოთებლად მძეინვარებს დღევანდელ მსოფლიოში. სიღარიბე არსებობს არა მარტო დაბალგანვითარებულ და საშუალოდ განვითარებულ ქვეყნებში, არამედ თვით განვითარების მაღალი დონის ქვეყნებშიც, შემოსავლების მეტისმეტად უთანაბრო

განაწილების გამო. მაგალითად, ბოლო წლებში საარსებო მინიმუმს ქვევით მცხოვრებთა რიცხუმა აშშ-ს ოჯახებს შორის 12,7% შეადგინა, სლოვენიაში- 16,3%, პოლონეთში- 14,8% და ა.შ.¹

სიღარიბე განსაკუთრებით შემაშფოთებელია ე.წ. მესამე სამყაროს ანუ დაბალი განვითარების ქვეყნებში. მოსახლეობამ, რომელიც დღე-ღამეში 1,25 დოლარზე ნაკლები შემოსავლით ცხოვრობს, შეადგინა მთელი მოსახლეობის 16% კოლუმბიაში, 29,4% ინდონეზიაში, 39,0% ეთიოპიაში, 41,6% ინდოეთში, 54,1% კონგოში, 49,6% ბანგლადეშში, 67,8% მადაგასკარში, 88,5% ტანზანიაში და ა.შ. მთელ მსოფლიოში დღე-ღამეში 1,25 დოლარი შემოსავლით ცხოვრობს 1,3 მლნ ადამიანი ანუ მოსახლეობის თითქმის ერთი მეოთხედი.²

სიღარიბის ეროვნული დონე, ჯერ კიდევ მაღალია პოსტსოციალისტურ ქვეყნებში: ბულგარეთში - 12,8%, ბელორუსში - 17,4%, რუსეთში - 19,6 %, უკრაინაში — 19,5%, აზერბაიჯანში-49,6%, სომხ-

¹ Income. peverty and health Insurance coverage in the U.S.A. 2004 government printing office. Washington D.S. 2005.

² ООН. Доклад о развитии человека. 2010 . С. 161 - 169.

ბიზნეს-ინფორმაცია. №2. 2012.

ეთში - 50,9%, მოლდავეთში - 48,5%, ყირგიზეთში - 43,3%, ტაჯიკეთში - 53,5% და ა.შ.³

სიღარიბის ერთ-ერთი ძირითადი გამოვლინებაა ადამიანთა არასრულფასოვანი კვება (შიშშილი). საგულისხმოა, რომ ეს შეიმჩნევა თვით მაღალგანვითარებულ ქვეყნებშიც (ნორვეგია, აშშ, დანია, ლუქსენბურგი და სხვ.), სადაც არასრულფასოვნად იკვებება მოსახლეობის 5%-მდე. განვითარებულ ქვეყნებში ეს მაჩვენებელი აღწევს 11-15 და 23 %-საც, საშუალოდ განვითარებულ ქვეყნებში ჩვეულებრივ იგი მოსახლეობის დიდ ნაწილს მოიცავს, ხოლო დაბალი განვითარების ქვეყნებში 1/2-დან და 3/4 (კონგოში) აღწევს.⁴

ზემოაღნიშნულიდან ცხადია, რომ შიმშილისა და კვების არასრულფასოვნების პრობლემა თანამედროვე მსოფლიოში, მიუხედავად ბოლო პერიოდში მდგომარეობის საგრძნობი გაუმჯობესებისა, მწკაველ დგას.

აქვე შეიძლება კეთილდღეობის შემაფერხებელ გარემოებად განვიხილოთ სათანადო საცხოვრებლო (ბინებით) დაუკმაყოფილებლობა. კეთილმოწყობილ ბინებზე ხელი არ მიუწვდებოდა მოსახლეობის გარკვეულ ნაწილს თვით მაღალ განვითარებულ და განვითარებულ, რა თქმა უნდა, უფრო მეტად საშუალოდ განვითარებულ ქვეყნებში, ხოლო მდგომარეობა ამ მხრივ მეტისმეტად მძიმეა დაბალი განვითარების ქვეყნებში. მაგალითად, ლიტვაში ეს მაჩვენებელი შეადგენს 20 %-ს, ლატვიაში - 43%-ს, რუმინეთში - 23%-ს, კუბაში - 31%-ს, რუსეთის ფედერაციაში - 24%-ს, სომხეთში - 33%-ს, ჩინეთში - 67%-ს, ზიმბაბვეში - 59%-ს, ლიბანში - 69%-ს, ტაილანდში - 87%-ს და ა.შ.⁵

მსჯელობა შეიძლება გაგრძელდეს სხვა მაჩვენებელთა მიხედვითაც, როგორიცაა სანიტარულ-ჰიგიენური პირობები, ხარისხიანი წყლით უზრუნველყოფა, სამედიცინო მომსახურება და სხვ. მაგრამ მსოფლიოში კეთილდღეობის თანამედროვე მდგომარეობის სურათი, ვფიქრობთ, მოტანილი მონაცემებითაც ნათელია. ეს სურათი მეტად მძიმეა. ამიტომ მთელი კაცობრიობის წინაშე უმთავრესი გამოწვევაა სიღარიბის დაძლევა. ამ მიზნით მსოფლიოს სახელმწიფოთა მთავრობების 2000 წლის სამიტზე დასახული იქნა 2015 წლისათვის მსოფლიოში სიღარიბის დაძლევის ამოცანა. ეს ამოცანა ნელ-ნელა სრულდება, თუმცა სასურველი ტემპით არ ხორციელდება.

მოკლედ შევხებით განვითარების დონისა და კეთილდღეობის მხრივ საქართველოში არსებულ მდგომარეობას. ა პ გ ი-ს დონის მხრივ საქარ-

თველო მსოფლიოს ქვეყნებს შორის ბოლო წლებამდე გაეროს კლასიფიკაციით საშუალოდ განვითარებული ქვეყნების რიცხვში იმყოფებოდა, ხოლო ამჟამად განვითარებული ქვეყნების რიცხვში გადავიდა. 2007 წლის 89 ადგილიდან მსოფლიოს ქვეყნებს შორის 2010 წელს საქართველომ გადაინაცვლა 74-ე ადგილზე (იხ. ცხრილი 3).

ცხრილი 3

საქართველოს აპგ-ის დინამიკა და ადგილი მსოფლიოში

	2007	2008	2010
აპგ მნიშვნელობა	0,778	0,679	0,698
ადგილი მსოფლიოში აპგ-ის მიხედვით	89	...	74
მ შ პ მსყიდველობითი უნარის პრიტეტი, მლრდ დოლ	21,5	21,4	1,8
მ შ პ მსყიდველობითი უნარის პრიტეტი ერთ მცხოვრებზე, დოლ	4892	4778	49 02

საქართველოს ადგილი განვითარებულ ქვეყნებს შორის ძირითადად განპირობებულია განათლების მაღალი და სიცოცხლის საშუალო ხანგრძლივობის შედარებით მაღალი მაჩვენებლით, მაგრამ დაბალია საქართველოს ეკონომიკური განვითარების უმთავრესი მაჩვენებელი — მ შ პ ერთ მცხოვრებზე გაანგარიშებით მსყიდველობითი უნარის პრიორიტეტის მიხედვით, რაც 2010 წელს შეადგენდა მხოლოდ 4902 აშშ დოლარს. ეს უმთავრესად აიხსნება საქართველოში გარდამავალი პერიოდის დასაწყისში ეკონომიკის ნგრევით, უმუშევრობის მეტისმეტად მაღალი დონით (ამჟამადც ოფიციალური მონაცემებით 16,5%), რაც განსაკუთრებით დიდია რეგიონებში და ქალაქებში. მოსახლეობის კეთილდღეობის დონე საქართველოში მსოფლიოს საშუალო, უდიდესი და უმცირესი მაჩვენებლების მიმართ ჩანს მე-4 ცხრილის მონაცემებითაც.

როგორც ამ ცხრილიდან ირკვევა, ცხოვრებით დაკმაყოფილების (კეთილდღეობის) ინდიკატორები საქართველოში ჯერჯერობით მსოფლიო საშუალო დონეზე დაბალია, ხოლო უდიდეს ინდიკატორებს ჩამორჩება, განსაკუთრებით ცხოვრების დონით (4-ჯერ).

საქართველოს განვითარებისა და კეთილდღეობის დონის მხრივ თუ შევადარებთ მეზობელ ქვეყნებს, შემდეგ სურათს მივიღებთ (ცხრილი 5).

³ ООН. Доклад о развитии человека. 2010. გვ. 161-163.

⁴ იქვე. გვ. 172-175.

⁵ იქვე. გვ. 181-183.

ბიოგრაფიული გამოწვევები და სოციალური პროგრესი

ცხრილი 4.

პირადი ცხოვრების დონით დაკმაყოფილების აღქმა საქართველოსა და მსოფლიოში
(მაქსიმუმი = 100)

	სამუშაოთი	ჯანმრთელობის მდგომარეობით	ცხოვრებით დონე (კმაყოფილი რესპოდენტების%)	საერთო დაკმაყოფილება 0 - 10
საქართველოში	63	50	22	4,3
ცხოვრების მაღალი დონის მქონე ქვეყნებში	91	82	91	2,2
ცხოვრების საშუალო დონის მქონე ქვეყნებში	68	60	35	6,0
ცხოვრების დაბალი დონის მქონე ქვეყნებში	41	47	27	2,8
საქართველო მსოფლიოს ქვეყნებთან შედარებით, %-ობით				
ცხოვრების მაღალი დონის მქონე ქვეყნებთან შედარებით	69,2	60,1	24,2	53,4
ცხოვრების საშუალო დონის მქონე ქვეყნებთან შედარებით	92,6	83,3	62,9	71,7
ცხოვრების დაბალი დონის მქონე ქვეყნებთან შედარებით	153,7	106,4	129,4	153,8

ცხრილი 5

ეროვნული შემოსავლი, აბგი და ცხოვრებით დაკმაყოფილების (სრული = 100 მიმართ) მაჩვენებლები

ქვეყნები	ეროვნული შემოსავალი, ერთ მცხოვრებელზე აშშ დოლარი	აბგი	დაკმაყოფილება სამუშაოთი	დაკმაყოფილება ჯანმრთელობით	ცხოვრების დონით კმაყოფილ რესპოდენტების %	საერთო დაკმაყოფილება 0-10
საქართველო	4902	0,733	63	50	22	4,3
აზერბაიჯანი	87217	0,713	73	68	42	5,3
სომხეთი	5495	0,695	61	53	31	5,0
თურქეთი	13358	0,679	71	76	44	5,5
ირანი	14764	0,702	71	82	55	5,6
რუსეთი	15259	0,719	74	56	36	5,9
უკრაინა	6535	0,710	71	55	23	5,3
საქართველო (ქვეყნების მაჩვენებელი =100):						
აზერბაიჯანთან	59,6	104,8	86,3	52,4	52,4	81,1
სომხეთთან	89,2	105,5	103,3	71,1	71,1	86,0
თურქეთთან	36,7	107,9	88,7	50,0	50,0	78,2
ირანთან	33,2	104,4	88,7	40,0	40,0	76,9
რუსეთთან	33,1	101,9	85,1	61,1	61,1	72,9
უკრაინასთან	75,0	103,2	88,7	95,7	95,7	81,1

როგორც ცხრილიდან ჩანს, საქართველომ რამდენადმე გაუსწრო მეზობელ ქვეყნებს ა პ გ ი-ს მაჩვენებლით. ეს ქვეყნის საგანმანათლებლო-კულტურული განვითარებისა და სიცოცხლის საშუალო ხანგრძლივობის შედარებით მაღალი ინდიკატორების შედეგია. მაგრამ კეთილდღეობის მაჩვენებლით, რომელშიც მონაწილეობს სუბიექტური ფაქტორი (დაკმაყოფილების შეფასება სუბიექტების მიერ), ასევე მ შ პ სულადობრივი წარმოებით, საქართველო მეზობელ ქვეყნებს ჩამორჩება, რიგ შემთხვევებში საგრძნობლადაც.

ასევე საქართველოს უარესი მაჩვენებლები (2008

წლის მიხედვით) აქვს დასაქმების დონის მხრივ ქვეყანაში უმუშევრობა შეადგენდა 16,54% -ს, მაშინ, როცა იგი აზერბაიჯანში უდრის 6,1%-ს, სომხეთში - 6,3%-ს, თურქეთში - 11%-ს, რუსეთში - 7,0%-ს, და უკრაინაში - 6,4%.⁶ მდგომარეობა არ გაუმჯობესებულა შემდეგაც.

სიღარიბის დონის მაჩვენებლით, საქართველო ჩამორჩება აღნიშნულ მეზობელ ქვეყნებს. ეს დონე უდრის საქართველოში 54%-ს, აზერბაიჯანში — 49,6%-ს, სომხეთში — 50,9%-ს, თურქეთში — 27%-ს, რუსეთში

⁶ საქართველოს სტატისტიკური წელიწადი. 2010. გვ.193.

— 19,6%-ს, უკრაინაში - 19,5%-ს.⁷ ჯანდაცვის დანახარჯები ერთი მცხოვრებზე 2007 წლის მონაცემებით, მყიდველობითი უნარის პარიტეტის მიხედვით, შეადგენდა საქართველოში 384 დოლარს, სომხეთში - 246-ს, თურქეთში - 677-ს, ირანში - 689-ს, რუსეთში - 797-ს, უკრაინაში 475 -ს⁸.

საქართველოს გარკვეული ჩამორჩენა განვითარების, განსაკუთრებით კეთილდღეობის მაჩვენებლის მხრივ, გამოწვეულია იმით, რომ ბოლო წლებში ქვეყანა წინააგმდეგობებისა და სირთულეების წინაშე აღმოჩნდა, რაც გამოიხატა სამოქალაქო ომით, მეზობელი ქვეყნის აგრესიული ქმედებით, შიდა პოლიტიკური დაძაბულობებით, ქვეყნის ხელისუფლების არაუფექტიანი პოლიტიკით 20 წლიანი პერიოდის მქონე ნაწილის განმავლობაში.

საქართველოში ამჟამად მიმდინარე აღმშენებლობითი საქმიანობის ინტენსივობა იმედს იძლევა ახლო მომავალში ვივარაუდოთ ქვეყნის ჩამორჩენის დაძლევა და ადამიანთა კეთილდღეობის მკვეთრი ამაღლება.

ჩვენს მიერ ჩატარებული მოკლე ანალიზიდანაც ნათლად გამოჩნდა თანამედროვე ეტაპზე მსოფლიოში ეკონომიკური და სოციალური განვითარების, ხალხთა კეთილდღეობის ძირითადი დამახასიათებელი ნიშნები. ესაა მნიშვნელოვანი მიღწევები საერთოდ და ჩამორჩენა ქვეყნების უდიდეს უმრავლესობაში. განსაკუთრებით მაღალი შედეგებია მიღწეული ეკონომიკურად მოწინავე ქვეყნების მცირე ჯგუფში. ამასთან არსებობს ქვეყნებს შორის მკვეთრი, სრულიად გაუმართლებელი განსხვავება განვითარებისა და ადამიანთა კეთილდღეობის მხრივ, რაც ქმნის წინააღმდეგობათა მძლავრ კერას.

როგორც პრაქტიკა გვიჩვენებს, მსოფლიოს ქვეყნების უმრავლესობაში ადამიანთა საერთო განვითარების დონე, ასევე საბაზრო ეკონომიკის მექანიზმი ვერ უზრუნველყოფს საყოველთაო კეთილდღეობას, შექმნილი დოვლათის (სიკეთეთა) სამართლიან განაწილებას. ეს აღრმავებს ადამიანებსა და ხალხებს შორის უთანასწორობას მსოფლიოში.

მომავალი პერიოდის უმნიშვნელოვანესი გამოწვევაა განვითარების ხასიათის შეცვლა, ეკონომიკური და სოციალური თვალსაზრისით ჩამორჩენილი ქვეყნების დაწინაურება, რის გარეშე თანამედროვე ცივილიზაციას საფრთხე ემუქრება. საქართველოს კი აქვს შანსი და ყველა შესაძლებლობა, ჩადგეს მოწინავე ქვეყნების რიგებში და ეს აუცილებლად უნდა მოხდეს კიდევ ახლო მომავალში.

⁷ გაეროს ზემოთ ხსენებული მოხსენება. გვ. 161.

⁸ იქვე. გვ. 198.

Развитие и благосостояние

Развитие является важнейшим процессом в жизни общества. Оно имеет целью повышение благосостояния людей. Развитие и благосостояние взаимно связаны.

В современном мире в целом достигнут значительный уровень развития и благосостояния. Однако, наряду с этим, наблюдается большая дифференциация стран и народов по уровню благосостояния. В большинстве странах имеют место высокие показатели бедности, недоедания, необеспеченности людей основными условиями жизни.

Грузия по развитию и благосостоянию, по данным ООН, находится в настоящее время в рядах стран, имеющих высокий показатель индекса развития потенциала человека. Однако, при этом, по ряду индикаторов развития и благосостояния она уступает высокоразвитым и соседним странам. Важнейшим вызовом перед страной является в кратчайшие сроки преодолеть имеющее отставание в экономическом и социальном развитии от желаемого и возможного уровня, резко повысить благосостояние народа. Этот вызов еще более остро стоит перед всем миром.

გამოყენებული ლიტერატურა:

1. პ. კიუნგი. მსოფლიო ზნეობა მსოფლიო პოლიტიკისათვის და მსოფლიო ეკონომიკისათვის. თარგმანი გერმ. თბ., 1998.
2. გ. მალაშხია. მეტაეკონომიკა - ეკონომიკის ფილოსოფია. თბ., 1995.
3. ნ. ჭითანავა, ე. თაკალანძე. სოციალური ეკონომიკა. თბ., 2008.
4. Дю. Белл. О Грядущем постиндустриальном обществе. Перевод с англ. М., 1999
5. Т. Веблен. Теория праздного класса. Перевод с англ. М., 1984.
6. Г. Малашхия. Экономика человечная. Санкт-Петербург- Тбилиси. 2009.
7. ООН. Доклад о развитии Человека. 2010. М., 2010.
8. А. Пигу. Теория Благосостояния. Перевод с англ. М., 1985;
9. Тоффлер. Шок будущего. Перевд с англ. М. 2008
10. Э. Фромм. Иметь или быть. Перевод с англ. М., 1991.